

eintrag vnd widerrede. Vnd gebieten euch darumb allen vnd yeden besonner von yeczgemelter vnser keyserlichen macht vnd darzu einer pene nemlich hundert marck lottigs goldes halb in vnser keyserlich camer vnd den andern halb teil den egenanten von Halle als beschedigten vnableslich zubezalen ernstlich vnd vesticlich mit disem brief, daz ir solich egemelt furnemen des vorberurten vermeinten newen iarmareckts zu Lypzek zuhalten vnderstanden gannez crafftloss vernicht vnrechtlich vnd vntuglich halten, den ferrerr nit vben oder gebrauchen vnd solhs mit allen vnd yeden den ewern vnd anndern ernstlich zetun schaffen vnd bestellen, sonnder die obgenanten von Halle bey irm egemelten altherbrachten iarmarekt vnd gerechtikeit von vnser vnd des heiligen reichs wegen hanthaben schuezen schermen, den als von alter herkomenn ist in wiriden wesen vbung besuchung vnd gebrauchung halten vnd sy dabey gerulich bleiben lassen vnd nit gestatten, das sy von yemand daran beleidigt verhindert bekumbert oder beswert werden, auch selbs nit tut in einich weyse; daran tun ir alle vnd yede besonner vnser ernstlich meynung vnd gut geuallen. Dann ob sich yemand hierin inn vngehorsam erzaigte, gegen den oder denselben wolten wir mit den egemelten penen vnd in ander wege furnemenn handeln vnd ergeen lassen, als sich in solhemn geburn wurd. Darnach wisse sich ein yeder zurichten. Geben zu Grecz mit vnserm keyserlichen anhangendem insigel besigelt am freytag nach sannd Urbans tag nach Cristi geburde vierezehenhundert vnd im newnundsechtzigsten, vnser reiche des Romischen im dreyssigsten, des keyserthumbs im achtzehenden vnd des Hungrischen im eindliften iaren.

Nach dem Orig. im Rathsarchiv zu Leipzig mit dem kaiserlichen Siegel an einem Pergamentstreifen.

Die Fassung des kaiserlichen Ausschreibens vom 25. Mai bei v. Dreyhaupt a. a. O. S. 440 fg. weicht z. Th. von der oben mitgetheilten ab.

### No. 430. 1469. 17. Juni.

*Die drei Rätthe setzen fest, dass fortan Jeder, der das Bürgerrecht erlangt, gehalten sein soll, sich binnen Jahr und Tag in der Stadt sesshaft zu machen.*

Vff hewt sonnabent anno quo supra nach sant Veitztag sint alle drey rete vnd die eldisten zeusampne komen vnde merglich bewegen, was vnrats der stat von alle den ihenen, die burger werden, sich nicht besetzen, handel vnd narunge glich besessen burgern treyben, aufferstehe, vnnnd darvmbe eyns wurden vnd eynmutiglich beslossen, wollen das auch vestiglich gehalten haben, das nu zcufurdern zceyten nymants, wer der sein wurde ader welchs hantwergks ader stants er were, der sich in disse stat wenden, burger werden vnd sein narunge mit handeln vnd wandeln herinne suchen wolde, mit nichte noch anders vffgenomen werden sall, er sage denne dem rate glewblich vnd mit waren worten zeu, das er sich in iar vnd in tage nidersetzen behußen vnd behofen wil, vff das er ein hußbeseßner burger werde mit eygener erbeschafft, vnnnd daruff moge er sich neren, handeln vnd wandelen als ein burger; wer do aber burger wurde vnd sich bynnen iare vnd tage als obgemelt ist nicht besetzte behußte adder beerbte, der sall noch ußgange iaris vnd tage nymmer